

佛說如來不思議祕密大乘經卷第十

宋西天三藏朝散大夫試光祿卿光梵大師惟淨等奉詔譯

菩薩詣菩提場品第十二

爾時菩薩既澡沐已復受飲食身力充實即時往詣大菩提場到已告語善地天子并諸地居天子衆等說伽陀曰

任持大地不動搖 菩薩離愛斷害者
今此樹下證菩提 汝等莊嚴於此地
善哉地居天歡喜 普偏清淨三千界
廣散最上妙香華 德灑香水皆清淨
所有堅手及持鬘 常憍天等至空居
歡喜瞻仰菩薩尊 散衆妙華伸供養
四護世天并衆會 乃至一切四大洲
徧三千界金網嚴 覆以供養人中勝
三千界中帝釋主 供養菩薩大威德

如廣勝殿天妙嚴 三千界嚴亦如是
夜摩天衆咸欣悅 覆瑠璃網以嚴治
廣三千界寶珍奇 爲人中仙伸供養
兜率天衆咸欣悅 布真珠網作嚴飾
珠瓔其猶半月形 復散真珠廣如雨
化樂天王并天衆 間浮檀金爲寶網
金網寶鐸出妙聲 德三千界聞皆喜
諸有天中淨妙寶 無邊照耀淨光明
他化自在天所嚴 供養一切義無畏
所有龍及乾闥婆 摩睺羅伽修羅等
各於自宮廣莊嚴 及以妙嚴於欲界
復次寂慧是時大梵天王見是菩薩詣菩提
場殊勝相已即告一切梵衆天子言汝諸仁
者知是事不今此菩薩摩訶薩於大誓願廣
大甲冑而不棄捨復於堅固甲冑無懈退意

能善成辦諸菩薩行修諸波羅蜜多善住彼岸於一切菩薩地中善得自在一切菩薩意樂悉能清淨復善通達一切衆生種種根性深入一切如來祕密分位諸魔業道已悉超越於一切善根得不壞信諸佛威神共所建立普示一切衆生正解脫道爲大導師摧破一切魔外境界三千大千界中一勇猛尊積集法藥爲大醫王覆以解脫繒帛爲大法王放大慧光建大法幢世間八法皆不能染真實清淨大蓮華生於一切法總持無忘大海出生離諸增損不動不搖如須彌山妙善無垢妙善清淨自淨妙慧大摩尼寶之所出生一切法中而得無礙大梵所生心業調暢具如是等功德菩薩今詣大菩提場欲證阿耨多羅三藐三菩提果降諸魔軍爲令圓滿如

來十力四無所畏十八不共佛法普爲一切轉大法輪作獅子吼於諸衆生廣行法施令諸衆生法眼清淨以其正法攝伏一切邪異外論爲欲圓滿往昔誓願爲欲親近諸佛世尊於諸法中得富饒目在汝諸仁者當發勤勇之心於菩薩所親近供養時大梵天王以清淨心復告一切梵衆天子言諸仁者今此菩薩於多百千劫中精修禁戒是即最上清淨大士今詣大菩提場將成正覺汝等宜應於一切三千大千世界廣作殊妙莊嚴等事爾時大梵天王說伽陀曰

清淨大士戒決定 廣爲人天作利益
人中天俱天中天 詣菩提場大寂默
降伏一切魔軍衆 一切智智真覺了
一切佛法悉圓明 轉正法輪行利樂

大智一振獅子吼 一切衆生聞皆喜
令開法眼清淨因 人中尊詣菩提樹
邪異外論皆攝伏 往昔誓願悉周圓
正覺事業現今成 人中尊詣菩提樹
善哉和合皆專志 普偏地方作莊嚴
三千大千世界中 普見莊嚴於欲界
如其欲界所嚴事 色界莊嚴亦復然
善哉梵衆清淨心 廣作莊嚴三千界
欲界所現供養事 上界亦現諸供養
徧散最上妙香華 寶嚴衆樂皆吹擊
三千世界諸天衆 見聞欣躍伸敬禮
乃至色究竟天中 各各自宮廣嚴飾
上中復上勝中勝 普現莊嚴衆天官
天女六十百俱胝 建菩提場金剛座
一切徧灑於香水 復散種種微妙華

徧列衆寶此地方 大菩提場廣嚴好
語不能讚諸功德 此有無量種莊嚴
大士決定戒精修 世間善利大威德
將詣菩提樹王下 降伏魔軍諸惡慧
一切和合聖者行 廣作三千界嚴飾
天人中尊法自在 供養彼得無邊福
第五
梵衆聞彼人中尊 素妙莊嚴三千界
妙華寶幢作嚴事 變化世界寶所成
俱胝妙蓋化空中 如日月光極嚴麗
娑羅樹華衆最上 化現悉如歡喜園
大仙循道歡喜行 變化莊嚴七重量
寶成金蓮華密覆 七重界道而圍繞
帝釋天主作莊嚴 人天希有昔未見
如忉利天廣勝殿 四大洲嚴亦復然
夜摩兜率化樂天 他化嚴同色究竟

勇發勤力皆迅疾 共嚴最上菩提場
如欲界中勝莊嚴 天龍等衆亦如是
於剎那間皆化現 菩薩於中所行詣
四方天女數俱胝 詣菩提樹衆圍繞
塗香末香衆妙華 一切處灑妙香水
大菩提樹本妙嚴 如忉利天園生樹
所有一切莊嚴事 語不能讚諸功德
那庾多數彼諸天 彼彼莊嚴皆殊妙
復次寂慧菩薩既至菩提場已始下雙足千
輻輪相按彼地時即有廣大光明出現是光
普照一切地獄^{第五}傍生餓鬼趣中諸衆生類蒙
光照燭所受諸苦暫得停息迦黎迦龍王宮
中大光普照爾時迦黎迦龍王見是菩薩光
明照已心生歡喜踊躍慶快即時爲彼自宮
眷屬及諸龍衆說伽陀曰

如金色光極晃曜 大明照我龍王宮
我蒙光照適其身 亦復心生大歡喜
如我於彼先佛所 昔曾見此瑞光明
而今所覩定無疑 佛大無畏當出世
汝等各持妙香華 塗香末香華鬢等
真金及彼摩尼珠 以爲瓔珞并上服
復持種種妙樂具 珠寶所嚴衆幡蓋
及寶所成妙高幢 爲人天師伸供養
所有龍王妙宮殿 廣大莊嚴悉清淨
汝等應生歡喜心 皆同親詣於佛所
爾時迦黎迦龍王與自宮人眷屬并諸龍衆
各持種種上妙香華衣服幢蓋及衆樂具鼓
吹歌舞上踊空中香水如雲徧灑一切復雨
龍華龍真珠等如是廣以龍王威神龍王通
力現諸化事詣菩薩所到已即時與諸眷屬

禮菩薩足鼓妙音樂處伸供養作供養已是

時龍王右繞而住說妙伽陀伸讚歎曰

人中尊放大光明普照一切佛刹土

刹那惡趣苦皆停我等龍宮俱照耀

龍衆蒙光照燭已

咸生歡喜作是言

菩薩成佛定無疑

金色光明乃如是

有那度多龍女衆

恭敬捧持妙香華

及勝衣服妙旛幢

詣菩薩所伸供養

今此地方華蓋等

一切殊妙廣莊嚴

又復藥草諸樹林

低垂悉向菩提樹

江河停流第十五

風止搖擊悉安然

菩薩今日證菩提

世間最勝降魔者

梵王帝釋諸光明

日月光等悉映蔽

蒙光照者得清涼

佛出世故咸歡喜

復有諸妙吉祥瓶

右旋宛轉在空中

仙衆龍衆等居空右旋其狀亦如是
世間若天若人等各各至誠伸供養

菩薩今日證菩提爲求慧者開正道

我等今日於佛所增益威光得善利

我昔供養拘留孫及迦諾迦大聖主

迦葉最上人中勝乃至今供釋迦仙

此求菩提大神通最勝希有昔未見

具德最上人中尊出大梵音獅子吼

堅求菩提決定心是心超勝無比等

而彼日月可墮落須彌山王可破壞

今日不圓十力尊世間無復有是處

復次寂慧時迦黎迦龍王上首之妃名曰金

光與諸龍女恭敬圍繞持以種種殊妙寶蓋

種種妙衣及天華鬘種種巧嚴真珠瓔珞種

種上妙摩尼珠寶及彼種種衆妙香瓶奏妙

歌音詣菩薩所到已禮敬散諸寶華而伸供

養住菩薩前說伽陀曰

心無動亂無恐畏 無貪無瞋亦無癡
能調難調無染尊 能離諸惡無所著
我今頂禮淨解脫 大仙拔除諸疑箭
以大智光破無明 能度世間諸苦惱
世間無依無救者 菩薩善爲作依救
光明普照三界中 天人歡喜心清淨
空中徧雨衆妙華 及散妙衣廣嚴飾
如是勝相我所知 今日大仙成正覺
勝者勇詣菩提樹 降伏諸魔無染尊
煩惱黑暗網蠲除 證大菩提心寂靜
汝經多俱胝劫中 於先佛所求菩提
難行能行爲世間 今時圓滿勝意樂
復次寂慧爾時菩薩將成正覺有諸賢聖以

威神力而爲警發即時有一刈草之人名曰
吉祥自然住立菩薩之右持以淨草是草柔
軟如孔雀項復如迦左隣那衣色香具足一
右旋時刈草人即持其草詣菩薩前奉上
菩薩深發最勝阿耨多羅三藐三菩提心復
次寂慧彼時吉祥刈草人者以宿願深固昔
發願言願我悉於賢劫之中諸菩薩衆成正
覺所大菩提場皆布淨草何以故寂慧我念
過去於此賢劫之前九十一劫中有佛出世
號毗婆尸如來應供正等正覺明行足善逝
世間解無上士調御丈夫天人師佛世尊彼
佛法中圓滿一千大菩薩衆修持梵行時彼
世尊爲賢劫中諸大菩薩授阿耨多羅三藐
三菩提記是時有一長者名曰具慧在大會
中聞彼世尊授諸菩薩菩提記已即發阿耨
五
六

多羅三藐三菩提心時彼長者發是願言願我於此賢劫諸佛如來菩提場中悉布勝妙獅子之座或施淨草寂慧當知無復疑念彼時具慧長者豈異人乎即是釋迦菩薩成正覺時奉淨草者吉祥刈草之人以是緣故汝今應知彼吉祥刈草之人隨宿願力於諸佛所或施淨草或布妙好獅子之座隨諸衆生信解智力善根成熟其事如是復次寂慧是時菩薩既至菩提樹已彼菩提樹神及十千天女皆悉捧持諸上妙華及塗香等詣菩薩前各以所持諸妙香華用散供養各各頭面禮菩薩足異口同音說伽陀曰

歸命威德大無畏 善寂善調破諸惡
離過勇猛大威光 清淨導師無染者
能救無依諸苦惱 唯一聖尊施諸樂

世間煩惱病能除 爲大醫王普救療
歸命清淨大名稱 天歡喜散華如雨
決定令速證菩提 起大慈心攝一切
往詣樹王登勝座 摧破一切諸魔閻
覺悟寂靜證菩提 亦如先佛所證悟
俱胝劫修清淨行 難作能作利世間
勝五
大仙意樂今已圓 安坐樹王成正覺
復次寂慧是時菩薩持以淨草詣菩提場到已即於金剛座上自布其草然後乃向菩提樹王恭敬頂禮右繞七匝菩薩布草之後是時即有八萬四千天子持以八萬四千妙好莊嚴獅子之座奉上菩薩其座高廣嚴好殊麗衆寶莊飾覆以寶網及真珠網復垂珠瓔而爲交絡妙巧施設無數百千上妙衣服菩薩爾時即現其身各各安處八萬四千獅子

座上彼諸天子互不相見皆謂菩薩在我所
施獅子座中菩薩坐已成證阿耨多羅三藐
三菩提果是諸天子咸生歡喜清淨之心皆
悉不退轉於阿耨多羅三藐三菩提

佛說如來不思議祕密大乘經卷第十

音釋

蓏 魯果切 莖 云九切
草實也 稗 旁卦切
蘆谷切 稗 稗也
五名 聲 居候切 取
牛羊乳也 蕎 邦堯切
麥名